

REFERAT SAA- Udvalg for Anlæg og Miljø d. 06-10-2022

Mødedato Torsdag d. 06. oktober 2022 kl. 19:00

Mødested Kommunalbestyrelsesip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Neriunami Kapisillit eqqaaniittumi aalisakkanik panertitsiviliornissamut atugassamik illuaqqiorniss	6
Kommunimut pilersaarummut tapiliussatut siunnersuut 1A13-2 Qimerlua, Nuuk.....	9
Tasiilami inissialiortiterneq.....	11
4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfig	16
Kommunimut pilersaarummut tapiliussatut siunnersuut 4B4-2 Inuussutissarsiateqarfik, mittarfiup a	20
Kommunimut pilersaarummut tapiliussaq 4B1-2 Naternaq.....	23
Oqaluuserisassanut tapiliussaq: 2023-mi politikkikkut ataatsimiiffissat.....	26
Lukket.....	28
Lukket.....	29
Lukket.....	30
Taasariaqartut allat.....	31
Imaqarniliap akuerineqarnera.....	32

Punkt .: Saqqaa

Ilaasortat:

Finn Karlsen (N), formand

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Justus Hansen (D)

Peter Davidsen (S)

Dines Mikaelson (S)

Beslutning

Ataatsimeeqataasut:

Finn Karlsen (N), *Siulittaasoq*

Lone Rosengreen Pedersen (IA)

Peter Davidsen (S)

Attaveqaatitigut pegataavoq:

Uju Petersen (IA) - ataatsimiittarfimmiit anivoq nal. 15:50

Justus Hansen (D)

Ataatsimeeqataasinnaanatik nalunaartut:

Naya Sophia Pedersen Lyberth (IA)

Dines Mikaelson (S)

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ingerlatsivimmit nalunaarutit (Asmus Jessen Rubæk):

Qernertunnguani pisuinnaat aqqaata eqqaani kuuffissuarmit seerisoqartoq paasineqarpoq. Kuuffissuarmi imerpalasunut itersaliami ussiitsoq nassarineqarpoq, taannalu nunamiit pisuinnaat aqqaata tungaanut seerilluni.

Nunatta nakorsaaneqarfiata innersuussinera malillugu innuttaasut seerisup nalaanneeqqunagit qinnuigineqarput, ingammik pisuinnaat aqqaanni, imeq kuuffiit aqqaaneersoq viruseqarsinnaallunilu bakteriarsinnaammat sakkortuumik napparsimalissutaasinnaasunik.

Kommune ussiitsoq piaartumik iluarsiniarlugu suliaq aallartippaa.

Punkt 1: Neriunami Kapisillit eqqaaniittumi aalisakkanik panertitsiviliornissamut atugassamik illuaqqiornissamut nunaminertamik atuinissamik qinnuteqaat

Beslutning

Ataatsimiititap aalajangiinnginnerani immikkoortumik illuaqqanik piginnittut tusarniaaffigineqaqqaassapput.

Neriunami Kapisillit eqqaaniittumi aalisakkanik panertitsiviliornissamut atugassamik illuaqqiornissamut nunaminertamik atuinissamik qinnuteqaat

Aalajangiiffigisassaq

SagsID.: BOG-2020-24416-003

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Neriunami aalisakkanik panertitsiviliornissamut atugassamik illuaqqiornissamut qinnuteqaat ataatsimiititamit akuersissutigineqassasq

Suliassamik saqqummiussineq

Sanarfinermut Avatangiisinullu Ingerlatsivik immikkoortumi M72 Neriunami aalisakkanik panertitsivimmu atugassamik illuaraliortoqarnissaanut nunaminertamut atuinissamik qinnuteqaammik tigusaqarpoq. Siornatigut suliaq politikikkut oqaluuserineqarnissaanut saqqummiunneqareerpoq, Ataatsimiititamilli tusarniaasoqarnissaa kissaatigineqarmat kinguartinneqarluni.

Siornatigut suliassamik saqqummiussineq ilanngussatut ilanngunneqarpoq.

Suliaq maanna immikkoortumi inuussutissarsiortuni marluusuni tusarniaassutigineqareerpoq, tassungalu atatillugu Nunaminertanut Oqartussaqaarfik akerliliissummik aappaanik tigusaqarpoq. Nunaminertanut Oqartussaqaarfik illuaqqanut piginnittunut tusarniaassut nassiunniarnagu aalajangerpaa, immikkoortoq maanna inuussutissarsiornermut atugassiissutigineqarnikummat illuaqqallu immikkoortumi ineriartortitsinissamut pilersaarummut akornutaassanngimmata.

Akerliliissutit Nunaminertanut Oqartussaqaarfimmit suliarineqarput, panertitsivimmu atugassamik illuliornissamullu akerliunerit Pilersaarusiornermut inatsimmi siunertarineqartunut tunngatillugu tunngavilersugaalluannngitsutut nalilernerqarput.

Tunngavilersuutit ataasiakkaat ilanngussami suliarineqarput.

Aagqiissutissatut siunnersuut – suliatigut naliliineq

Nunaminertanut Oqartussaqaarfimmit akerliliissutit tunngavilersorluarneqanngitsutut nalilernerqarmata, Nunaminermut Oqartussaqaarfiup siornatigut naliliineq attatiinnarpaa. Nunaminertanut Oqartussaqaarfiup naliliinera tassaavoq, aalisakkanik panertitsiviliornissaq immikkoortumut ineriartortitsinermut akerliussanngitsaq, Nunaannarmut pilersaarummi tamanna qulakkeerniarneqartoq, tassa inuussutissarsiut uani pineqarmat.

Nunaannarmut pilersaarummi aalisakkanut panertitsiviliornissamut atugassamik sanaartornissamut periarfissiisunik immikkoortunik sulii atugassiisoqarsimanngilaq. Taamaattumik Nunaminertanut Oqartussaqaarfik naliliivoq, aalisakkanik panertitsiviup inissisimaffissaa siunertamut naapertuunnerussasq immikkoortumut M-imut (immikkoortut ilaat savaateqarfittut, nunaleriffittut, imarmiunik tunisassiorfittut, orpinnik tunisassiorfittut, qeqertatut qimmilivittut il.il. atugassiissutigineqartut) inuussutissarsiutinut inerisaanermut atugassaareersumut inissinneqarpat,



taamaalilluni sunngiffinni illuaqqanut eqqaaniikkumaartussanut akornutaassanani. Taamaalilluni immikkoortup pingaarnertut isikkua allanngortinneqassanngilaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattitallit

- Inatsisartut inatsisaat nr. 17, 17. november 2021-meersoq
- Kommunimut pilersaarut 2032 - Nunaannarmut pilersaarut 2-2 Nuup eqqaani asiartarfiit

Ilanngussat

1. Siornatigut suliassamik saqqummiussineq SAA-mi 2022-mi aggustip sisamaanni oqaluuserineqarpoq
2. Tusarniaanermut akissutit eqikkarneri
3. Nunaminertamik atugassinneqarnissamik qinnuteqaateqarneq
4. Immikkoortitap ilaa M72 Neriunaq
5. Qinnuteqaammi paasissutissat

Punkt 2: Kommunimut pilersaarummut tapiliussatut siunnersuut 1A13-2 Qimerlua, Nuuk

Beslutning

Inassuteqaat akuersissutigineqarpoq.

Uju Petersen (IA)-ip ataatsimiittarfimmiit anigallarpoq.

Bilag

Kommunimut pilersaarummut tapiliussatut siunnersuut 1A13-2 Qimerlua, Nuuk

Kommunimut pilersaarummut tapiliussatut siunnersuut 1A13-2 Qimerlua, Nuuk

Aalajangiiffigisassaq

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 1A13-2 Qimerlua, Nuuk akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A13-2 Qimerlua, Nuuk, matumuuna saqqummiunneqarpoq.

Pilersaarusiortfigineqartoq 1A13 5,2 ha-it missaannik isorartussuseqartoq Nuup qeqqaniippoq. Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattoorli immikkuualuttut marluk atugassiissutigineqarput. Immikkuualuttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamut aalajangersimasumik periarfissiisoqarpoq. Immikkuualuttoq B, kangimut sammisumik, Qimerluata eqqaani inissianut pioreersunut.

Siunnersuut tamanut tusarniaassutigineqassaaq sap. ak. 6-ini.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiortneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussatut siunnersuut 1A13-2 Qimerlua, Nuuk

Punkt 3: Tasiilami inissialiortiterneq

Beslutning

Inassuteqaat akuersissutigineqarpoq, ima allannguutitalerlugu, inassuteqaat 5 peerneqassaaq, aamma Tasiilami blokkit marluk Paamiunilu blokki ataaseq sananeqassapput.

Bilag

Kommunimut pilersaarummut tapiliussaq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq

Tasiilami inissialiortitserneq pillugu Iserit A/S-ip 23. aggusti 2022 oqaaseqaataa

Tasiilami inissialiortiterneq

Sanaartugassatut pilersaarutit nr. 100105-004 siunertatut ima normullit 1001054011 "Tasiilami Paamiunilu inissialiortiterneq" aallartinneqarnissaannut akuersineq

Aalajangiiffigisassaq

SagsID.: EMN-2022-07562

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartugassatut normu 100105-004 Tasiilami Paamiunilu inissialiortiterneq 2022-miit 2026-mut ingerlanneqartussaq katillugit 45 mio. kr.-inik naleqartussaq taarsigassarsititsilluni aningaasaliinermut allannngortinneqarnissaa akuersissutigineqassasoq
- Kommuneqarfik Sermersuup 45 mio. kr.-it 2022-mi Iserit A/S-imut akiliutigissagai akisussaassusiliilluni taarsigassarsiatut taakkulu agguataarneqassasut 2022-mi 3 mio. koruuninut kingornalu 2026-p tungaanut ukiuni sisamani ukiumut 10,5 mio. koruunit
- Iserit A/S-ip inissiat sanaartorneqarnissaat kingornalu ingerlatarinissaat pillugit allaffeqarfik ilitsersuinissamut pisinnaatinneqassasoq
- inissiat angissutsimikkut pisariaqartinneqarnerpaasut pingaarnersiorneqarnissaannut allaffeqarfik Iserit A/S suleqatigalugu pisinnaatinneqassasoq
- aningaasat 45 mio. kr.-it tamarmik Tasiilami inissialiortiternermut atorneqassasut
- suliaq Aningaasaqarnermut Inuussutissarsiornermullu Ataatsimiititamut aalajangiiffigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Pilersaarutip normuanut 100105-004 Tasiilami Paamiunilu Inissialiortiternissamut aningaasaliissutit sanaartugassanut massakkut agguataarneqarneri malillugit 2022-mi pilersaarusiorsinnaaneq aamma 2023-2026-mut ukiumut 10,5 kr.-it atorlugit inissialiorsinnaaneq periarfissaqartippaat.

Tasiilami Paamiunilu inissianik pisariaqartitsineq allaffeqarfimmit aamma Iserit A/S-imit ataatsimut nalilerneqarpoq.

Tasiilami pissutsit atuuttut:

- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Tasiilami 2021-mi innuttaasut 1.916-iusut tassalu 2011-miit 182-inik ikileriarsimasut. Allatut oqaatigalugu Tasiilami innuttaasut Paamiunut sanilliullugit amerlanerupput annikinnerusumillu ikiliortorlutik.
- Iserit A/S-ip ilanngussaq 2-mi nassuiaataani utaqqisunut allattorsimaffimmi 298-it nalunaarsorsimapput. Inissiaatileqatigiiffiup ilisimatitsissutigivaa, inissiamik utaqqineq ukiunik pingasunik sivilussuseqartoq, aamma eqqaani nunaqarfinniit nutsertoqartuartoq.
- Sanaartornerup sukkannerusumik aallartinneqarnissaa eqqarsaatigalugu inissisimaffissaatut toqqarneqarpoq immikkoortoq kommunimut pilersaarummut tapiliussartalik, pilersaarutigineqartumut naleqquttoq. Kommunimut pilersaarummut tapiliussaq 30A11-1,

2016-imi juunip qaammataaneersoq, tassani immikkoortup ilaa nutaatut akuleriinnik inissialiorfissatut atugassanngortinneqarpoq, pingasunut aggulullugu quleriit pingasunngorlugit sanaartorfiusinnaasutut. Inissialiat, isikkivik eqqarsaatigalugu, soorlu sanaartorfiup avannaa tungaaniittut, pukkinningorlugit inissinneqarput. Immikkoortoq kuuffissualersoriigaavoq innuttaasullu peqqinnissaat eqqarsaatigalugu pissutsinik pitsaanerulersitseqataassaaq.

- Imikoorummut pilersaarut atuuttoq naapertorlugu Tasiilap illoqarfiata pingajorarterutaannaa kuuffissualersugaavoq, imikoorummullu pilersaarummi anguniarneqartut eqqarsaatigalugit Iserit A/S-ip allaffeqarfiullu inissisismaffissaatut toqqarpaat qulaani kommunimut pilersaarummut tapiliussaq taaneqartoq tassani immikkoortoq 2022-mi sanaartofissagissarsimasooq. Kommunimut pilersaarummut tapiliussaq tamaat isigalugu katillugit inissianut 2000 m2 missaanniittoq sanaartorfigineqarsinnaavoq taakkunanilu quit assigisaallu sanaartorfissanut atatinneqassapput sanaartukkat pisariaqanngitsumik siammasissuutikkusunnaq.
- Immikkoortoq siunnersuutigineqartoq atorneqarpat nutaamik kommunimut pilersaarummut tapiliussamik suliaqarnissaq pisariaarutissaaq.

Pissutsit Paamiuni atuuttut:

- Tunngaviatigut aamma ataatsimut isigalugu inissiat naammapput, inissiat piumaneqartut (mikinerusut) inoqanngitsullu (anginerusut) akornanni nikingassutaasoq eqqassaanngikkaani. Paamiuni inoqanngitsut arlallit Namminersorlutik Oqartussanit pigineqarput. Iserit A/S-ip ilanngussaq 2-mi nassuiaataa naapertorlugu utaqquisunut allattorsimaffimmi 49-t nalunaarsorsimapput. Ilimanarluinnarpoq arlallit inigisaminniit inissianut mikinerusunut nuukkusuttoqarnissaa, taakkulu illoqarfimmi amigaataapput.
- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Paamiuni 2021-mi innuttaasut 1.247-sut, tassalu 2011-miit 467-inik ikileriaateqarsimallutik.
- Paamiut pillugit Kommunimut pilersaarutip pingaarnertut ilusaani illoqarfioreersoq eqiteruffiussaaq. Blok O-p inissisimaffigisimasaa ingutserneqarsinnaavoq inissialiorfigalugulu. Immikkoortup ilaa pigineqareersoq sukumiisumik aalajangersaaffigineqanngilaq taamaalillunilu nutaamik sanaartornissamut kommunimut pilersaarummut tapiliussamik nutaamik suliaqartoqartariaqarani.

Pilersaarutit kommunimut pilersaarummut tapiliussamereerput, pilersaarutigineqartullu Tasiilami sanaartorfissani sanaartorfissarneqareersuni sananeqarsinnaapput. Iseritip sukkasuumik inissiat pillugit 2022-mi ukiakkut suliaqarneratigut Iseritimiit naatsorsuutigineqarpoq suliariumannittussarsiuussineq entreprenørimillu ajugaasumik isumaqatigiissuteqarluni atsiorneq 2023-mi marsi pisinnaasoq, tamatumalu kingorna sanaartorneq aallartinneqarsinnaalissaaq sanaartukkat 2025-2026-mi naammassineqarlutik.

Ingerlatsivimmit aningaasatigut sulisoqarnikkullu naliliinerit

Pilersaarusiariineqartumut normu 100105-004 Tasiilami Paamiunilu inissialiortiternermut aningaasaliissutit, 2022-miit 2026-mut ingerlanneqartussaq, katillugit 45 mio. kr.-inik naleqartussaq, taarsigassarsititsilluni aningaasaliinermut allanngortinneqarnissaa allaffeqarfimmit matumuuna inassutigineqarpoq. Taamatut inaassuteqarnikkut, sanaartugassanut ataatsimut aningaasaliissutit akisussaassusiliilluni taarsigassarsiassanngorlugit allanngortinneqassasut, taakkulu kommunip inissiaatileqatigiiffianut Iserit A/S-mut tunniunneqassasut, allaffeqarfimmit

anguniarneqarpoq. Taamatut iliornikkut Iserit A/S inissiat ataatsikkut pilersaaruseriorlugillu sanaartorneqarnissaannut akissaqartinneqalissaaq tassani annertuumik ingerlataqarnermi iluaqutissat iluaqutigalugit. 2022-mi missingersuutit isumaqatiginniutigineqarnerat naapertorlugu tassani politikikkut sorsuutigineqarpoq Iserit A/S tassaassasoq kommunimi tamarmi inissialiortiternermik kommunillu nalinginnaasumik inissiaataanik ingerlatsisuunissaa pillugu.

Kommunip pisinnaatitsissutit agguataarneqarnerinut pilersaarutaa atuuttoq malillugu:

- Ilassutitut aningaasaliissutit aamma aningaasaliissutit allamut inissinneqartut allaffeqarfimmit aamma aningaasaqarnermut ataatsimiititamit kommunalbestyrelsimut aalajangiiffisassanngortinneqartarput.
- 2 mio. kr.-it sinnerlugit nalilinnik isumaqatigiissuteqarneq aamma/imaluunniit ukiunut arlalinnut missingersuuseriorfiusut Aningasaqarnermut Inussutissarsiornermullu Ataatsimiititamut inassutigineqarlutillu akuerisassanngortinneqartarput kingornalu kommunalbestyrelsimut ilisimatitsissutigineqarlutik.

Allaffeqarfiup naliliinera tassaavoq, aningaasat tamarmik 45 mio. kr.-it Tasiilami kisimi atorneqassasut tulluuttut pissutigalugit:

- Inissanik pisariaqartitsivinneq Tasiilamiippoq.
- Siunertamut kommunimut pilersaarummut tapiliussaqaareerpoq, 2022-mi sanaartorfissagissaanerup inaarsarneqarneranik ilalik aamma kuuffissualersoriigaq.
- Kommunip massakkut sanaartorfissagissaanermut aningaasartuutai kommunip karsianut sukkasuumik utertinneqartussaapput taakkulu kommunimi sanaartorfissagissaanissanut allanut, taamatut pisariaqartinneqarnerusunut, tutsinneqarsinnaapput.

Qulaani taaneqartoq ataatsimoortumik sanaartornikkut kvadratmeterit sanaartorfiusut amerlanerusut pissarsiarineqarsinnaaneramik kinguneqarsinnaavoq, pingaartumik aallarnisarnermut pilersaaruseriornermullu aningaasartuutit annikillisussaammata, aamma entreprenøri kommunip ukiumoortumik ukiunut arlalinnut aningaasaliissutaanik killilerneqarani sukkassusissaminik sanaartornissaa periarfissaqalissaaq.

Politikikkut sammivigineqartoq attatiinnarneqassagualarpat, Tasiilami Paamiunilu inissialiortoqarluni, taava allaffeqarfiup Iserit nassuiaateqaqquaa illoqarfinni arlariinni inissianik mikinerusunik sanaartornerup aningaasaqarnikkut qanoq nassataqarnissaanut tunngatillugu:

- Aningaasat 45 mio kr.-it atorlugit inissiat 12-18-it, 40-60 m²-it, sanaartorneqarsinnaapput taakkulu Paamiut Tasiilallu akornanni agguataarneqarlutik.
- Ullunik uiguleriiaanik, 6-inik mikisunik inissiertalinnik, sanaartornermi missiliorneqarpoq illup uiguleriiaap ataatsip sananeqarneranut aningaasartuutit 13,7-14,4 mio. kr.-ussasut. Piviusumik illut uiguleriiaat 3-t pineqarput, Paamiut Tasiilallu akornanni agguataarneqartussat.
- Inissiamut marlunnik initalimmut akiliut missiliuineq tunngavigalugu 3.279 - 3.195 kr.-nik akeqassasoq nalilerneqarpoq.
- Inissiamut pingasunik initalimmut akiliut missiliuineq tunngavigalugu 4.918 - 4.792 kr.-nik akeqassasoq nalilerneqarpoq.

Illoqarfiit taakku marluk akornanni inissiat qanoq agguataarneqarnissaat kingornalu aallartinneqarnissaat politikikkut aalajangiiffigineqaareerpat, allaffissornikkut kommunip aamma Iserit A/S-ip akornanni missiliuinerit ersarinnerusut suliarineqarsinnaalissapput, aningaasaliissutit

taakku atorlugit inissiat qanoq amerlatigisut sananeqarsinnaanerinit, ataatsimut kvadratmeterit ilanngullugit, aalajangerneq pingaaruteqarmat.

Tasiilami inissialiornermut tunngatillugu aningaasaliissutit Sanaartorfissagissaaneq Tasiilaq 30A11-mit 8,5 mio. kr.-it nunaminertamik atugassinneqarnermi pineqassapput.

Siunnersuutigineqarteq Namminersorlutik Oqartussat Iserit-ip attartornissaa pillugu akuersissuteqarnissaannik pisariaqartitsivoq, Kommunit suliffeqarfinnik pigisaasa sanaartukkanillu pigisaasa ilaasa pisiarinerinit, qularnaveeqqusernerinit attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq tunngavigalugu.

Suliffeqarfinnut Kiffartuussivimmit aningaasatigut naliliineq

Tasiilami inissaaleqinerujussuup iliuuseqarfiginissaanut aningaasaliissutissat atorneqassasut Suliffeqarfinnut Kiffartuussivimmit akuerineqarsinnaavoq.

Inatsisitigut tunngavissaq allakkallu tunngaviusumik uppersaataatillit

- Sanaartorneq pillugu Inatsisartut inatsisaat nr. 13, 26. maj 2010-meersoq
- Kalaallit Nunaanni Illuliornermut Malittarisassat.
- Inatsisit aamma Aktieselskabet
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinit, qularnaveeqqusernerinit attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- 2022-mut missingersuutit Kommuneqarfik Sermersooq

Ilanngussat

1. Kommunimut pilersaarummut tapiliussaq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq
2. Tasiilami inissialiortitserneq pillugu Iserit A/S-ip 23. aggusti 2022 oqaaseqaataa

Punkt 4: 4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfigineqarnerat

Beslutning

Inassuteqaat akuersissutigineqarpoq.

Bilag

Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik
suleqatigiinnissamik isumaqatigiissutaat

Sanaartorfissagissaanermut A-mik missiliuut

Bilag 3 - Kommuneplantillæg 4A8-1_Ningitsivik_kal.pdf

Bilag 4 - Kommuneplantillæg 4C3-1_Ningitsivik_kal.pdf

4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfigineqarnerat

Aalajangiiffigisassaq

SagsID.: EMN-2022-07518

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Nukissiorfiit (Ilanngussaq 1) 4A8-mi aamma 4C3-mi sanaartorfissagissaanissamik isumaqatigiissuteqarfigineqarnerat akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

NCD pilersaaruteqarfimmi 4A8-mi sanaartorfissagissaanermik isumaginnittuuvog, tassani Sanarfinermut Avatangiisinullu Ingerlatsivik 2017-imi Nuummi Qinngutsinni immikkoortup ilaa pillugu kommunimut pilersaarummut tapiliussaliorpoq. Inissialiornissamut sanaartorfissat 42-t atugassiissutigineqarput, pilersaarutaavorlu taakku akuleriissinneqassasut, tassa ilaqutariinnut ataatsimut illunut, illunut affarleriinnut aamma inissianut uigusatut isikkulinnut imminnut nikingasunut Kingulliit taaneqartut quleriit marluk tikillugit portutigisunik sanaartorneqarsinnaapput.

Sanaartorfissagissaaneq ingerlavoq, 2024-milu naammassineqassanganneqarluni, suliamilu pineqarlutik innaallagissamik imermillu pilersuutit aamma oqarasuaammut aqquutit kiisalu kuuffiit, aqquuserngit qullersuarnullu napparusersuineq. Suliaq NCD-mut suliakkiissutigineqarpoq ulloq marsip 19-ianni 2019. 2020-mi pilersaarummut neqeroortitsineq pivoq, isumaqatigiissusiortoqarlunilu. Sanaartorfissagissaaneq 2021-mi aasakkut aallartinneqarpoq. 2021-mi NCD Kommuneqarfik Sermersooq sinnerlugu Nukissiorfiit aamma Tusass isumaqatiginninniartigivaa, aningaasartuutillu ima agguarneqarput:

- Sermersooq: 29.666.895 kr.*
- Nukissiorfiit: 9.885.000 kr.
- Tusass: 342.105 kr.

*Taamanimiilli aningaasartai 2 mio. kr.-nik annertunerupput, tamannalu Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami ulluni februaarip 24-anni 2022 aamma marsip 17-ianni 2022 akuersissutigineqarpoq, taamaalilluni sanaartorfissat amerlanerulersinneqarlutik aamma sanaartorfissat immikkut tamarmik sanaartorfissagissaanermut akiliutissartaa apparneqarluni. Kommunip akiliutissaa ukiuni 2022-24-ni ima agguataarneqassanganneqarpoq:

- 2022: 14.350.000 kr.
- 2023: 14.350.000 kr.
- 2024: 3.050.000 kr

Pilersaarut konto pingaarnermi A60-070103-007 Attaveqaatinut sanaartorfissagissaanermullu Aningaasaliissutit missingersuusiorneqarpoq.

Nukissiorfiit tapiissutaat pingasunngorlugu agguarlugu tiguneqassaaq, imaalillugu siunnersuutigineqarluni:

- 2022: 4.448.250 kr.
- 2023: 4.448.250 kr.
- 2024: 988.500 kr.

NCD isumaqatigiissusioreeraluartoq Nukissiorfiit aamma Kommuneqarfik Sermersuup akornanni isumaqatigiissutigineqassaaq, tamanna pillugu isumaqatigiissut Kommuneqarfik Sermersuumi pisinnaatitsissutit agguataarneqarnerinut pilersaarut naapertorlugu politikkikkut akuersissutigisassanngorlugu saqqummiunneqarpoq. Isumaqatigiissummi aamma sumiiffik 4C3 ilaavoq, tassanili pilersaarusiornissamut qinnuteqaat tiguneqarsimavoq, pilersaarusiornermillu piginnittup sanaartorfissagissaanermi aningaasartuutit nammineq akilissallugit. Pilersaarusiornissamut qinnuteqaat Kommunalbestyrelsen ulloq februaarip 22-anni 2022 akuersissutigaa, pilersaarummilu tullinnguutissalluni pilersaarummik piginnittup kommunimut pilersaarummut tapiliussaliornissaa, taannalu politikkikkut saqqummiunneqassaaq. Taamaalilluni isumaqatigiissummi suliaassartaa pineqartoq tassaalluni 4A8-mi sanaartorfissagissaaneq.

Nukissiorfiit sanaartorfissagissaanermut aningasanut inatsisikkut tapiissutinik ukiuni kingullerni appaavigineqarnikuunertik pillugu sanaartorfissagissaanermut atugassaas killeqarput, taamaalilluni Nukissiorfiit Aningaasanut inatsimmi atorsinnaasaat naapertorlugu annertussusilerneqarpoq, 9.885.000 kr. Tamannalu pingaarnertut agguataariaatsimit allaaneruvoq, sanaartortitsisunut ataasiakkaanut sanaartugassaattit nammineq akilertussaammatigut. Agguataariaaseq naapertorlugu imaattussaagaluarlutik Kommuneqarfik Sermersooq 22,3 mio. kr. miss. aamma Nukissiorfiit 17,3 mio. kr., tamannali pisinnaanngilaq Nukissiorfiit Aningaasanut Inatsimmit aningaasaliiffigineqartarmat. Nukissiorfiit aningaasat atorsinnaasaat killeqarmata agguataariaaseq ukiuni kingullerni atorneqanngilaq.

Kommuneqarfik Sermersooq Nukissiorfiit sinnerlugu sanaartorfissagissaanermik isumaginittuunissamut kingornalu sanaartorfissagissaasimanermut nalinginnaasumik akiligassanngortitsinissamut inatsisitigut tunngavissaqarpoq, tassa Kommuneqarfik Sermersuup aningaasartuutini nunaminertanik makitsisoqareernermi akiligassiissutigisarpai, Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq innersuussutigalugu. Taamaalilluni Kommuneqarfik Sermersuumut piffissap ingerlanerani aningaasaajaataassanani, taamaattorli nunaminertat makitsissutigineqanngippat allaalluni, maannakkullu nalorninarloqalaartoq nalilerneqarpoq. Tamatum kingunerisaanik aningaasatigut atorsinnaasatigut artukkiisitsissaaq, taamaattumillu Nukissiorfiit isumaqatigiissusiortfiginerisigut tamanna pinngitsoorniarneqarluni. Sanaartorfissagissaanermut akiliummut tunngatillugu Nukissiorfiit kommunimut akiligassaannik akiliisitsisoqassanngilaq. Isumaqatigiissut akuersissutigineqassasoq ingerlatsivimmit innersuussutigineqarpoq.

Ingerlatsivimmit aningaasatigut sulisoqarnikkullu naliliinerit

Isumaqatigiissut piffissap ingerlanerani sanaartorfissagissaanermut akiligassanngortitsisoqarneratigut Kommuneqarfik Sermersuumut aningaasartuutaassanngilaq. Akerlianilli isumaqatigiissut kommunip 2022-2024-mi aningasat tigoriaannaataanut iluaqutaassaaq,

isumaqatigiissummi aningaasat annertussusii kommunip aningaasanut tigoriaannaataanut iluaqutaassammata:

- 2022: 4.448.250 kr.
- 2023: 4.448.250 kr.
- 2024: 988.500 kr.

Isumaqatigiissut itigartinneqassappat kommunip aningaasanut tigoriaannaataanut sunniuteqarnerlussaaq, isertitassammi aatsaat 2024-miit isertinneqarsinnaalissapput, kingusinnerusukkullu isumaqatigiissutaasullu naapertorlugit nunaminertat makitsissutigineqarpata.

Suliffeqarfimmut Kiffartuussivimmit aningaasatigut naliliineq

Suliffeqarfimmik Kiffartuussivimmiit oqaatigineqassaaq, kommunimi suliaassat pingaarnerit nalinginnaasut aningaasaqarnikkut imminut napatitsisumik ingerlasartut pineqarput, naak kommunip aningasatigut atorsinnaasaatigut akilernerqaqqaartaraluartut. Tamatuma saniatigut ingerlatsiviup naliliinera Suliffeqarfimmik Kiffartuussivimmi isumaqatigineqarpoq.

Inatsisitigut tunngavissaq allakkallu tunngaviusumik uppersaataatallit

- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkut aalajangerit

Aningaasartuutit 2 mio. kr.-nik ilaneqarnissaat politikikkut siusinnerusukkut oqaluuserineqarpoq: Aningaasaqarnermut Inuussutissarsiornermullu Ataatsimiititami marsip 17-ianni 2022-mi Sanarfinermut Avatangiisinullu Ataatsimiititami februaarip 24-anni 2022-mi Inassutigineqartoq akuersissutigineqarpoq.

Ilanngussat

1. Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik suleqatigiinnissamik isumaqatigiissutaat
2. Sanaartorfissagissaanermut A-mik missiliuut
3. Kommunimut pilersaarummut tapiliussaq 4A8-1_Ningitsivik
4. Kommunimut pilersaarummut tapiliussaq 4C3-1_Ningitsivik

Punkt 5: Kommunimut pilersaarummut tapiliussatut siunnersuut 4B4-2 Inuussutissarsiteqarfik, mittarfiup avannamut kangiunganiittoq, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut 4B4-2, Inuussutissarsiteqarfik, mittarfiup avannamut kangiunganiittoq, Nuuk

Kommunimut pilersaarummut tapiliussatut siunnersuut 4B4-2 Inuussutissarsiteqarfik, mittarfiup avannamut kangiatungaaniittoq, Nuuk

Aalajangiiffigisassaq

SagsID: EMN-2022-07334

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Kommunimut pilersaarummut tapiliussaq 4B4-2, Inuussutissarsiteqarfik, mittarfiup avannamut kangiatungaaniittoq, Nuuk, pillugu siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B4-2 Inuussutissarsiteqarfik, mittarfiup avannamut kangiatungaaniittoq, Nuuk, matumuuna saqqummiunneqarpoq.

Immikkuualuttoq 4B4-mi killiliussaq allanngortissaaq, tamannalu immikkuualuttunut 4E2-mut aamma 4D9-mut sunniuteqassaaq. Immikkuualuttoq 80 ha. miss. annertussuseqalissaaq. 4B4-mi nunami Nuup Kangerluata tungaanut avammut sammisumi sivinganeq, Quassussuaq tunuatungalugu ilaapput. Immikkuualuttumi aqqusiniliortoqarnikuuvoq, kisiannili 4B4 sanaartorfiunngilaq.

Immikkuualuttup atorineqarnera inuussutissarsiutinut kiisalu peqatigiiffinnut siunertanut aalajangersarneqassaaq, taakkununga nunaminertat maannakkut amigaataapput. Sukisaarsarluni aqquteeqqat, immikkuualuttumiittut, immikkoortumi aqqutiliornikkut qulakkeerneqassapput.

Immikkoortumi isertitsivik kisimi illuuvoq, tamannalu illuliortaatsikkut naleqaaq. Taamaasilluni kommunimut pilersaarummut tapiliussamut siunnersuummi matumani immikkoortumeereersut sanaartukkallu nutaat ataqatigiinnissaat qulakkeerniarlugu aalajangersakkat suliarineqarput.

Ingerlatsivimmit malugeqquneqarpoq sanaartorfissiat aatsaat makitsissutigineqassammata mittarfittaap qaqugu atorineqalernissaa ilisimaneqalerpat, immikkoortumi sanaartornerup mittarfiliorneq kinguartissanngimmagu.

Siunnersuut sapaatip-akunnerini arfineq-pingasuni tamanut tusarniaassutigineqassaaq. Matumani Kommunimut pilersaarummut tapiliussassatut siunnersuutip 4B4-2 akuersissutigineqarneratigut kommunimut pilersaarummut tapiliussaq 4B4-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut 4B4-2, Inuussutissarsiuteqarfik, mittarfiup avannamut kangiitungaaniittoq, Nuuk

Punkt 6: Kommunimut pilersaarummut tapiliussaq 4B1-2 Naternaq

Beslutning

Inassuteqaat akuersissutigineqarpoq.

Bilag

Tusarniaanermut akissutini suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 4B1-2 Naternaq

Kommunimut pilersaarummut tapiliussaq 4B1-2 Naternaq

Kommunimut pilersaarummut tapiliussap inaarutaasumik akuersissutigineqarnera

Aalajangiiffigisassaq

SagsID.: EMN-2022-00470

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 4B1-2 Naternaq akuersissutigineqassasoq
- suliaq akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2 Naternaq matumuuna nutaamik saqqummiunneqarpoq.

Kommunimut pilersaarummut tapiliussaq 4B1-2 Naternaq kommunalbestyrelsimut ulloq 30. agusti 2022 inaarutaasumik akuerineqarpoq. Ingerlatsivillu kingornatigut nakkutilliisut illui pillugit aalajangersakkanut kommunimut pilersaarummut tapiliussamiittumi annikitsumik kukkusooqarsimasooq paasisaqarpoq, kommunimut pilersaarummut tapiliussami uani iluarsineqartut.

siornatigut kommunimut pilersaarummi tapiliussami ulloq 30. auggusti akuerineqartumi tulliuuttut allaqqapput §20-p ataani 2. Atorneqarnera:

Imm. 2: Suliffeqarfinni mingutsitsinerusartuni suliffeqarfiit nakkutilliisuinut inissianik sanaaartortoqassanngilaq, avatangiisimut peqqussummi kapitali 5-imi allassimasut malillugit.

Imm. 3: Suliffeqarfinni mingutsitsinerusartuni suliffeqarfiit nakkutilliisuinut inissianik sanaaartortoqassanngilaq, avatangiisimut peqqussummi kapitali 5-imi allassimasut malillugit.

Aalajangersakkat taakkua marluk kommunimut pilersaarummut tapiliussami tulliuuttumut iluarsineqarput:

Imm. 2: Immikkoortup ilaani nakkutilliisuinut inissialiortoqarsinnaanngilaq Nakkutilliisumut inissiat peerneqassagaluarpata pilerseqqqinneqarsinnaatitaassaannngillat.

Kommunimut pilersaarummut tapiliussaq 4B1-2 Naternaq siunnersuutitut sapaatip-akunnerini arfineq-pingasuni tamanut tusarniaassutigineqarnikuuvoq, piffissami marsip ulluisa 31-annit maajip ulluisa 26-ata 2022-p tungaanut. Piffissami tusarniaaffiusumi tusarniaanermut akissuteqaatit marluk tiguneqarput, taakkunanilu aappaa kingusinaartumik tiguneqarluni sulialli suliarineqarnerani ilanngunneqarluni. Taakku annikitsunik oqaasertaatigut arfinilinnik aaqqiissuteqartitsissapput.

Pilersaarusiortifigineqartoq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissaq/Store Malenep 800 meterinik portussusillip paavaniilluni. Sumiiffik suliffeqarfiliortifissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakilliornermik iluaallatsitsisinnaasunik (nunaminertat iluanni aammalumi sanaartorfioqqusaanngitsuni), aputaajaanermut tunngatillugu, biilit unittarfiinut aammalu immikkoortup ilaani isumannaatsumik angallannermut tunngatillugu. Sumiiffik sanaartorffissamik sinneqarunarpoq, taamaattumillu sinaa avalleq atuarlugugu annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atorineqartut ataatsimoortinneqassapput, suliffeqarfinnut inissiiffissanullu pisariinnerutitsinissaq pillugu.

Nunaminertat kujasissumiittut kommunimut pilersaarummut tapiliussaq 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput. Immikkoortup ilaata avannamut kangimut sammerngani sanaartorfissiaq 30 angallassissutitut tassani ilaallutik usisaatinut oqimaatsunut bussinullu sivisuumik inissiiffiliornissamut atugassiissutigineqarpoq. Kikkulluunniit akiliilluni biilinik inissiinissamut nunaminertami biilinik inissiiviliortoqassaaq.

Kkommunimut pilersaarummut tapiliussaq 4B1-2-p akuersissutigineratigut kommunimut pilersaarut 4B1-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartitalit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutitik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 4B1-2 Naternaq

Punkt 7: Oqaluuserisassanut tapiliussaq: 2023-mi politikkikkut ataatsimiiffissat

Beslutning

Inassuteqaat akuersissutigineqarpoq.

Bilag

2023-mi politikkikkut ataatsimiiffissatut siunnersuutit

2023-mi politikkikkut ataatsimiiffissat

Aalajangiiffigisassaq

SagsID: EMN-2022-08329

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- ataatsimiititap 2023-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquumsumik ataatsimiinnerit ingerlanneqartassanersut. Tamanna kommunimi periaaseq naaportorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Sanarfinermut Avatangiisinullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai."

Sanarfinermut Avatangiisinullu Ataatsimiititap sisamanngornikkut nal. 14.00. ataatsimiittarnissaa siunnersuutigineqarpoq. 2023-mi ileqquumsumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikkikkut ataatsimiiffissat Naalakkersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimnulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaataatillit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2023-mi politikkikkut ataatsimiiffissatut siunnersuutit

Punkt 8: Lukket

Punkt 9: Lukket

Punkt 10: Lukket

Punkt .: Taasariaqartut allat

Beslutning

Ataatsimiititap Paamiunut angalanissaa oqaluuserineqarpoq.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:29.